

GRUPO DI BETICO CU CANCION Y CD NOBO PA FIN DI AÑA 2007

STA. CRUZ -- Preparando pa e lanzamiento di nan proximo CD titula "Celebracion", Grupo Di Betico ta lanza nan prome cancion promocional pa e temporada di fin di aña 2007. Cu canto di Tommy Croes, "HOLGORIO!" ta un composicion di Hildward Croes kende tambe ta encarga cu direccion musical y produccion. Ariba multiple peticion di su publico y na vispera di nan celebracion di 40 aña di existencia, Grupo Di Betico lo ta lanzando un CD nobo nobo e fin di aña aki. E ultimo CD di fin di aña di Grupo Di Betico "Alegria" tabata na

aña 2002. Na aña 2006 e grupo a lanza nan CD dedica na nos isla yama "Libertad". Y pa principio di November por spera e produccion nobo "Celebracion" ariba mercado. Ya caba por scucha e prome senciyo promocional "Holgorio!" resona na radio emisoranan di nos isla. E CD aki lo hiba e mesun seyo di ambiente y alegria cu Grupo Di Betico ta conoci p'e y ta priminti di bira otro exito grandi pa e agrupacion tipico Arubano cu otro aña lo ta cumpliendo 40 aña di existencia.

